

BOSNA I HERCEGOVINA
FEDERCIJA BOSNE I HERCEGOVINE
TUZLANSKI KANTON
OPĆINSKI SUD U SREBRENIKU
BROJ: 30-0-Su-22-000-106
Datum, 08.02.2022.godine

REDMET: Izvještaj o radu Općinskog suda u Srebreniku za 2021. godinu,
dostavlja se

Poštovani,

Zakonom o izmjenama i dopunama Zakona o sudovima u Federaciji BiH (Službene novine Federacije BiH broj 7/13) propisano je formiranje Općinskog suda u Srebreniku, a koji sud je nadležan za područje Grada Srebrenika i započeo je sa radom 01.12.2018. godine

Pravilnikom o unutrašnjoj organizaciji i sistematizaciji radnih mjesta u Općinskom sudu u Srebreniku, na koji je dobijena saglasnost Federalnog Ministra pravde, uz Izvršene izmjene i dopune Pravilnika u toku 2019. godine ukupno je sistematizovano 37 izvršilaca od čega: šest sudija sa predsjednikom, dva stručna saradnika, 6 državnih službenika i 23 namještenika.

U toku 2021.godine imenovan je i šesti sudija od strane VSTV BiH, a koji je stupio na dužnost 01.05.2021.godine, te je tako u ovom sudu popunjenost radnih mjesta 81,08% (*od 37 pozicija trenutno je popunjeno 30 pozicija*).

Na dan 01.01.2021. godine broj neriješenih predmeta iznosio je 10.041 predmet, od čega I - I - 1.887, I - Kom - 4.137, Ip - Ip - 175, Ip - Kom - 242, K-I 1, Mal - I - 7, Mals - Ip - 2, P - I - 2, K - Iks - 21, K - K - 107, K - Kpp - 1, K - Kps - 49, K - Kv - 4, I - Mal - 4, I - P - 4, Mal - Kom - 985, Mal - Mal - 203, P - Mo - 3, P - P - 489, Rs - Rs - 38, Pr - Ips - 320, Pr - Pr - 265, Prm - Prm - 2, O - O - 927, V - V - 174.

Iz tabelarnog pregleda koji se odnosi na ukupan broj i strukturu predmeta na početku godine, pa zaključno sa 31.12.2021. godine, vidljivo je da se u Općinski sud u Srebreniku riješio više predmeta od priliva odnosno smanjio broj neriješenih predmeta za 1.401 predmet, s obzirom da je od 01.01.2021.godine primio u rad ukupno 3.599 predmeta, a riješio 5.000 predmeta, odnosno na dan 31.12.2021.godine broj neriješenih predmeta iznosi 8.641, od čega I - I - 1.222, I - Kom - 3.880, Ip - Ip - 91, Ip - Kom - 201, K-I - 44, Mal - I - 3, K - Iks - 14, K - K - 67, K - Kpp - 4, K - Kps - 60, K - Kv - 1, Km - Km - 1, I - Mal - 13, I - P - 4, Mal - Kom - 613, Mal - Mal - 57, P - Mo - 2, P - P - 332, Rs - Rs - 23, Rs - Mo - 1, Pr - IIs - 1, Pr - Ips - 232, Pr - Pr - 430, Prm - Prm - 5, O - O - 1140, V - Mo - 2, V - V - 116.

Zemljišnoknjižno odjeljenje ovog suda je na dan 01.01.2021. godine imalo u radu nezavršenih 9 predmeta, a priliv novih predmeta je 5.843, te je ukupno riješeno 5.771 predmet, tako da je zaključno sa 31.12.2021. godine bilo neriješeno 81 predmet, što ukazuje da je došlo do povećanja broja neriješenih predmeta kao posljedica nedovoljnog broja izvršilaca, prevashodno zemljišnoknjižnih referenata, jer ovaj sud ima od sistematizovnog broja uposlenika u

Zemljišnoknjižnom odjeljenju samo popunjene dvije pozicije (*od ukupno četiri izvršioca*), s tim što je jedan zemljišnoknjižni referent na porodijskom odsustvu, što je uticalo na ažurnost u postupanju u tim predmetima.

Na izvršnom referatu došlo je povećanja broja riješenih I-I predmeta, obzirom da je na početku godine broj neriješenih predmeta iznosio 1.877 predmeta, a zaključno s 31.12.2021.godine 1.222 predmeta, što čini umanjnje broja neriješenih predmeta za 655, te do povećanja broja riješenih I - Kom predmetima, obzirom da je na početku godine broj neriješenih predmeta iznosio 4.137 predmeta, a zaključno s 31.12.2021. godine 3.880, što čini umanjnje broja neriješenih predmeta za 655 predmeta. Navedeno umanjnje broja neriješenih predmeta na izvršnom referatu bi bilo i veće, jer je u sudu radio samo jedan sudski izvršilac skoro cijelu godinu, obzirom da se drugi sudski izvršilac vratio sa porodijskog odsustva krajem novembra 2021.godine. Na izvršnom referatu je došlo i do manjeg povećanja K -I predmeta, obzirom da je na početku godine broj neriješenih predmeta bio 1, a zaključno s 31.12.2021.godine 43, te do manjeg povećanja Pr-I predmetima obzirom da na početku godine nije bilo neriješenih predmeta, a zaključno sa 31.12.2021.godine broj neriješenih predmeta iznosi 78. Navedeno povećanje je iz razloga što su se troškovi krivičnog postupka u predhodnim godinama naplaćivali u I-I fazi, a što se tiče povećanja broja Pr-I predmeta razlog za to je što je sud u 2021.godini intenzivirao prinudnu naplatu troškova u prekršajnom postupku koja se vrši u Pr-I fazi, a koji Pr-I predmeti iz 2021. godine su u Planu rješavanja predmeta za 2021. godinu, na koji Plan inače daje saglasnost VSTV BiH.

Takođe je na parničnim predmetima došlo do povećanja broja riješenih predmeta i to Mal-Kom predmeta, jer je na početku godine broj nezavršenih predmeta iznosio 985, a zaključno s 31.12.2021. godine 613 predmeta, što predstavlja umanjnje broja neriješenih predmeta za 372 predmeta, te do povećanja broja riješenih Mal – Mal predmeta, obzirom da je na početku godine broj neriješenih predmeta iznosio 203, a zaključno sa 31.12.2021.godine 57, što čini umanjnje broja neriješenih predmeta za 146 predmeta, kao i do povećanja broja riješenih P-P predmet, obzirom da je na početku godine broj neriješenih predmeta iznosio 489, a zaključno sa 31.12.2021.godine 332, što čini umanjnje broja neriješenih predmeta za 157 predmeta, što je veoma bitno kod takvog dobrog rezultata u smanjenju broja neriješenih parničnih predmeta. Navedeno umanjnje broja neriješenih predmeta na parničnom referatu bi bilo i veće, s obzirom da se sa porodijskog odsustva vratio jedan stručni saradnik u junu 2021.godine, a šesti sudija je stupio na dužnost u ovom sudu tek od 01.05.2021.godine.

Na prekršajnim predmetima došlo je do manjeg povećanja broja neriješenih Pr-Pr predmeta, obzirom da je na početku godine broj neriješenih predmeta iznosio 265 predmeta, a zaključno s 31.12.2021. godine 430, što je povećanje od 165 predmeta. Navedeno povećanje je iz razloga što u ovom sudu samo dva sudije rade na prekršajnim predmetima, ali koji postupaju i na K referatu, kao i nekim drugim referatima, te treba uzeti u obzir znatan priliv od 524 predmeta u 2021.godini.

Na vanparničnim predmetima došlo je do povećanja O - O predmeta, a iz razloga što je u 2021. godini kao povjerenik suda radio samo jedan notar sve do 01.04.2021.godine, kada je i drugi notar počeo sa radom, pa kada se uzme u obzir i ta činjenica, da u starijim O - O predmetima postupa sudija kod dopunskih rješenja i sl., to je došlo do povećanja broja nezavršenih predmeta od 927 na početku godine na 1.140 zaključno s 31.12.2021. godine što čini povećanje za 213 predmeta.

Od ukupnog broja nezavršenih predmeta zaključno sa 31.12.2021. godine, 3.946 je nekomunalnih predmeta, odnosno 4.694 komunalnih predmeta, u omjeru 46,00% - 54,00 %.

Kolektivna norma suda za 2021. godinu iznosi 123, 56%, ili po sudijama:

- Muhamed Vejzović - predsjednik suda (*mjesečna norma 40% sudijske norme*) – 82,79% , odnosno norma predsjednik suda - 206,98%,
- Alen Lukač – predsjednik Krivično-prekršajnog odjeljenja (*mjesečna norma 90 sudijske norme*) - 129,21 %, odnosno norma predsjednika odjeljenja - 131,74%,
- Milada Topčić - predsjednik Građanskog odjeljenja (*mjesečna norma 90 sudijske norme*) - 116,27 odnosno norma predsjednika odjeljenja - 119,94%,
- Atifa Zaimović - sudija - 104,96%,
- Senad Destanović - sudija - 108,41 %,
- Aleksandra Manojlović Trkulja - sudija koja je počela sa radom 01.05.2021.godine do 31.12.2020.godine imao ostvarenu ukupnu normu od samo - 69,63%,
- Lejla Hasić Hadžić - stručni saradnik 142,63 %,

-Ivana Saletović - stručni saradnik bila odsutna zbog porodiljskog odsustva do 18.06.2021.godine - 104,18 %;

Ostvareni kvalitet rada suda za 2021.godinu je 80,96 %. Broj donijetih odluka u sudu na koji se može uložiti pravni lijek je 3.979, broj uložених žalbi je bilo u 178 predmetu, od toga ukupni broj potvrđenih odluka je 99, preinačenih 32, odbačenih 2 i ukinutih 42, a broj djelimično ukinutih odluka je 5. Ostvareni kvalitet sudskih odluka u 2021.godini je relativno mali uzimajući u obzir da je ovaj sud u 2020.godini imao kvalitet u iznosu 92,11%, a u 2019.godini 89,68%, tako da u narednom periodu sud će nastojati da poboljša kvalitet i isti bude bar približnom kavalitetu iz prethodnih godina. Takav rezultat je i posljedica i objektivnih poteškoća u radu i donošenju odluka, zbog promjena i neusaglašenih stavova vijeća drugostepenog suda.

Što se tiče trajanja postupka, prosječno trajanje postupka na svim referatima je 410 dana, a dok je prosječno trajanje postupka riješenih predmeta iznosi 317 dana. Izvjesno je da zbog velikog broja predmeta, te obzirom da je šesti sudija ovog suda počeo sa radom 01.05.2021.godine kao i da se s porodiljskog odsustva vratio jedan stručni saradnik u junu 2021.godine, te vrlo kompleksne i složenu situaciju sa poteškoćama u redovnom radu suda izazvane pandemijom Covid-19 virusa, da u većini postupci dugo traju, ali kao posljedica navedenih objektivnih poteškoća.

Ukupni broj predmeta u kojima je nastupila zastarjelost u toku izvještajnog perioda iznosi pet predmeta, a zbog apsolutne zastarjelosti krivičnog gonjenja. Treba uzeti u obzir da je sud preuzeo u decembru mjesecu 2018. godine veći broj predmeta od Općinskog suda u Gradačcu koji su bili stari predmeti, pa je s tim u vezi donio i rješenja o obustavi krivičnog gonjenja kad je došlo do zastarjelosti na krivičnom referatu, o čemu su postupajuće sudije dostavili i izjašnjenje VSTV BiH u propisanoj proceduri. Nije uočeno da je bilo subjektivnih razloga za nastupanje zastarjelosti krivičnog gonjenja u preuzetim predmetima, ali će i u ovoj godini vjerovatno doći do zastarjelosti još u nekim krivičnim predmetima, ukoliko optuženi ne budu dostupni pravosudnim organima ove države, s tim što će to sigurno biti zanemarljiv broj, jer je u svim tim predmetima, pa i u onim gdje je došlo do zastarjelosti u 2021. godini sud preduzeo sve Zakonom propisane radnje, gdje je to bilo i zakonski moguće, od izdavanja naredbi za dovođenje po pronalasku, do raspisivanja centralnih i međunarodnih potjernica.

Općinski sud u Srebreniku od samog početka rada, je otežano funkcionisao zbog nedovoljnog broja sudija, te administrativno-tehničkog osoblja, tehničke opremljenosti, nedostatka kancelarijskog namještaja, računarske opreme i sl., pri čemu je na početku rada, od Općinskog suda u Gradačcu preuzeo veliki broj predmeta. Ponovo posjećam da je na dan 01.01.2021

godine Općinski sud u Srebreniku imao je neriješenih 10.041 predmet, koji su većinom bili iz grupe starih predmeta, što je po broju predmeta u radu znatno više od većine drugih sudova na području TK, s tim da od ovog suda veći broj nezavršenih predmeta imaju samo Općinski sud u Tuzli i Lukavcu. Stručni saradnik Ivana Saletović je bila na porodijskom odsustvu od 18.06.2021 godine, a sudija Aleksandra Manojlović Trkulja imenovana je kao redovni sudija ovog suda na sjednici Visokog sudskog i tužilačkog vijeća 15.04.2021. godine, a na funkciju je stupila 01.05.2021. godine, te je na znatno smanjenje ostavarene kolektivne norme suda je uticala je i slabija norma novoimenovanog sudije koji je imao ostvarenu ukupnu normu od 69,63%. Zaključno sa 31.12.2021. godine ukupan broj neriješenih predmeta (sa Kom. predmetima) iznosi 8.640 predmeta što je pored ostvarene dobre kolektivne norme suda od 123,56% dobar rezultat, jer smo smanjili broj nezavršenih predmeta u odnosu na početak izvještajnog perioda za 1.401 predmet.

Shodno zaključku VSTV-a BiH od 13. i 14.02.2019.godine, obavještavamo Vas da niko od nosilaca pravosudne funkcije u Općinskom sudu u Srebreniku u 2021.godini nije bio odsutan radi prisustvovanja međunarodnim stručnim konferencijama, studijskim posjetama institucijama drugih država, ili individualnim edukativnim programima u drugim državama.

U Planu rješavanja starih predmeta za 2021. godinu u navedenom periodu je bila predviđena realizacija od ukupno 1.874 starih predmeta, a od toga zaključno sa 31.12.2021. godine završeno je 1.643 predmeta što je 87,67%, te je u radu je ostalo 231 predmeta ili 12,33 %.

Uzimajući u obzir veliki broj nezavršenih predmeta, veliki priliv predmeta i pored dobre kolektivne norme suda, objektivno se ni u realizaciji rješavanja starih predmeta nije mogao postići značajniji veći procenat od ostvarenog od 87,67%, pri čemu je od sudija:

- predsjednik suda Muhamed Vejzović je od 205 riješio 196 predmeta ili 95,61%;
- sudija Alen Lukač je od 343 riješio 331 predmet ili 96,50 %,
- sudija Milada Topčić je od 266 predmeta riješila 243 predmeta ili 91,35 %,
- sudija Atifa Zaimović je od 279 predmet riješila 229 predmeta ili 82,08 %,
- sudija Senad Destanović je od 367 riješio 316 predmeta ili 86,10%,
- sudija Aleksandra Manojlović-Trkulja bila je u Plan uključena na bazi pet mjeseci, obzirom da prva tri mjeseca nakon imenovanja nije obavezna biti obuhvaćena Planom, pa je od 165 predmeta riješila 102 ili 61,82%;
- stručni saradnik Lejla Hasić Hadži je od 208 predmeta riješila 199 predmeta ili 95,67;
- stručni saradnik Ivana Saletović je u Plan rješavanja predmeta bila uključena po povratku sa porodijskog odsustva sa svim predmetima u kojim može postupati, odnosno predmetima koji su sa inicijalnim aktom iz 2021. godine obzirom da u gotovo svim starijim u periodu uključivanja u Plan već je postupao drugi stručni saradnik, pa je tako Ivana Saletović od 41 predmet u planu riješila njih 27 ili 65,85%

Na izvršnom referatu iz Plana rješavanja predmeta za 2021.godinu od ukupno 994 predmeta riješeno je 864 predmeta ili 86,92 %, na krivičnom referatu od ukupno 108 predmeta riješeno je 105 predmeta ili 97,22 %, na parničnom referatu od ukupno 441 predmeta riješeno je 376

predmeta ili 85,26 %, na prekršajnom referatu od ukupno 191 predmeta riješeno je 191 predmeta ili 100,00%, te na vanparničnom referatu od ukupno 140 predmeta riješeno je 107 predmeta ili 76,43 %.

Broj neriješenih predmeta iniciranih u 2021. godini u Planu rješavanja predmeta za 2021. godinu je bilo 33 predmeta na parničnom referatu, od čega je riješeno 22 predmeta, neriješenih predmeta iniciranih u 2019.godine i 2020.godine. godini u Planu rješavanja predmeta za 2021. godinu je bilo 393 predmeta na svim referatima, od čega je riješeno 386 predmeta, broj neriješenih predmeta iniciranih u 2017. i 2018. godini u Planu rješavanja predmeta za 2021. godinu je bilo 637 predmeta na svim referatima, od čega je riješeno 529 predmeta, neriješenih predmeta iniciranih od 2013. do 2016. godine u Planu rješavanja predmeta za 2021. godinu je bilo 638 predmeta na svim referatima, od čega je riješeno 558 predmeta, broj neriješenih predmeta iniciranih od 2008. do 2012. godine u Planu rješavanja predmeta za 2021.godinu je bilo 149 predmeta na svim referatima, od čega je riješeno 126 predmeta, dok neriješenih predmeta iniciranih od 2007. godine i starijih godina u Planu rješavanja predmeta za 2021. godinu je bilo 24 predmeta na svim referatima, od čega je riješeno 22 predmeta.

Iz navedenih statističkih pokazatelja može se konstatovati da je procent od 87,67 % riješenih predmeta iz Plana, dobar rezultat, a na TK jedinu bolju realizaciju Plana od općinskih sudova ima samo jedan općinski sud.. Naime u navedenom periodu, sud nije mogao iz objektivnih razloga postići bolje rezultate uzimajući u obzir pandemiju COVID 19, te samim tim zbog nedostupnosti stranaka u postupcima kao i odsustva uposlenika, a što su bile poteškoće u radu i drugih sudova u BiH.


U Općinskom sud u Srebreniku takođe je bio prisutan i problem nedostatka informatičke opreme. Naime, sud je još koristio 5 posuđenih računara od Općinskog suda u Gradačcu koje smo vratili u toku 2021.godine, obzirom da je u postupku javnih nabavki izvršena nabavka tri računara iz budžetskih sredstava suda za 2021. godinu, a Grad Srebrenik je u cilju dalje podrške u radu ovog suda iz Budžeta Grada Srebrenika, po upućenoj zamolnici ovog suda donirao novčana sredstva u iznosu od 20.000,00 KM, od kojih novčanih sredstava je sud izvršio nabavku određene računarske opreme i kancelarijskih stolica nakon provedenog postupka javne nabavke, s tim da je sud predhodno od VSTV BiH pribavio odobrenje za prijem donacije. Općinski sud u Srebreniku je takođe izvršio i nabavku opreme za tonsko suđenje, na krivičnom referatu, iz odobrenih budžetskih sredstava suda za 2021. godinu na poziciji - kapitalni izdaci.

Općinski sud u Srebreniku je u toku 2021.godine formirao sudska odjeljenja, a u skladu sa Smjernicama za imenovanje predsjednika sudskih odjeljenja od Visokog sudskog i tužilačkog vijeća BiH broj: 12-08-5-3900-1/2018 od 20.12.2018. godine, proveo proceduru za imenovanje predsjednika Krivično-prekršajnog i predsjednika Građanskog odjeljenja, te su u ovom sudu imenovani predsjednici Krivično-prekršajnog i Građanskog odjeljenja počev od 01.06.2021.godine.

Općinski sud u Srebreniku će u toku 2022. godini, u skladu s odobrenim povećanjem izvršilaca izvršiti prijem dva Viša referenta za operativno tehničke poslove - daktilografa putem Internog, odnosno Javnog oglasa, obzirom da je Vlada TK na sjednici održanoj 08.02.2022.godine dala saglasnost za prijem dva namještenika (*daktilografa*), s tim da će ostati upražnjeno 5 (*pet*) radnih mjesta od čega na poziciji državnih službenika: Rukovodilac zemljišno knjižnog odjeljenja i Stručni savjetnik za podršku svjedocima i maloljetnicima u krivičnom postupku, a na poziciji namještenika ostat će upražnjena sledeća radna mjesta: Viši referent za prijem i unos dokumenata (*upisničar*), Viši referent za administrativno-tehničke poslove u Zemljišnoknjižnom odjeljenju i Viša referent za operativno-tehničke poslove (daktilograf). U

cilju povećanja neophodnog broja namještenika potrebno je u 2023. godinu izvršiti povećanje broja izvršilaca i to Višeg referenta za prijem i unos dokumenata (*upisničar*) i Višeg referenta za administrativno-tehničke poslove u Zemljišnoknjižnom odjeljenju, čime bi sud imao mogućnost postizanje efikasnijeg rada i postupanja u predmetima, što je prioritetni zadatak suda.

Zbog nedostataka radnog prostora i adekvatnih sudnica neophodno je u narednom periodu izvršiti dogradnju jedne etaže na postojećoj zgradi suda, za što je potrebno obezbjediti novčana sredstva. Vrijednost radova je oko 250.000,00 KM, a Grad Srebrenik je izrazio spremnost da učestvuje u navedenom projektu, te je u Budžetu Grada za 2022. godinu obezbjedio sredstva, za tu namjenu, u iznosu od 100.000,00 KM, dok bi preostali iznos trebala obezbjediti Vlada TK iz budžetskih sredstava s pozicije - kapitalni izdatci, što bi u većoj mjeri obezbjedilo bolje uslove rada.



Predsjednik suda
Muhamed Veizović

DOSTAVLJENO:

1. VSTV BiH;
2. Predsjednici Kantonalnog suda u Tuzli;
3. Ministarstvo pravosuđa i uprave TK;
4. Skupština TK;
5. Su - a/a.